

华阴县志

第九册
第二函

華陰縣志卷二十

藝文

墓誌

誄辭

祭文

雜著

楊

集作
從弟

去盈墓誌銘

楊炯

古者黃帝軒轅氏沒帝譽高辛氏作幼而狗齊長而敦敏則天下之人用其教者百年忠肅恭懿宣慈惠和則天下之人謂之

集作
稱其

才者八子黃鳥旗而白魚躍

集作
燎

有周武之興王彤弓一

而旅矢千有晉文之啟霸雖隱

集作
出

公遜位哀侯失國而文之

昭也武之穆也司徒爲五教之官有社稷焉有黎人焉丞相臨

萬機之職嶠函鼎盛赫弈於朱輪河洛台階昭彰於白玉積善

餘慶信而有徵國子進士楊去盈字流謙宏農華陰人也曾祖

諱初周大將軍隋宗正卿常州刺史順陽公皇朝左光祿大夫
華山郡開國公食邑本鄉二千五百戶唐虞之稷契魏晉之裴
王晏嬰可以事百君皞繇爲之謦九德麾蓋兵馬人知牧伯之
尊名山大川蘊

集作地

積公侯之氣王考諱安僞鄭王充遙

集作逼是

授二十八將封鄮國公尋謀歸順爲充所害皇朝贈大將軍旌
忠烈也陶謙雅尙祖述雄心會天子之蒙塵見諸侯之釋位雖
陳平去就潛懷仗劍之謀而石勒凶殘遂及推牆之禍父某潤
州句容遂州長江二縣令朝散大夫行鄧州司馬文武兼備清
明

集作白

在躬

一作體

人無間言位不充量四方取則孔宣父之踐

中都百里非才龐士元之登別駕若夫庭生玉樹身帶金環有

衛玠之風神有張良之容貌蔣琬之譏盛元

集作允

責在司空陳

蕃之對薛勤志清天下觀其昏定晨省立身揚名怪草蔚其休

徵神魚會其冥感莊公獨歎聞穎叔之純深有道相推見茅容

之盡禮則閨門雍穆以孝聞也輔仁會友合志同方晏平仲之

善交鮑叔牙之知我張琪

集作堪

死日妻子唯托於朱暉劉惔生

平風月每思於元度則朋友之德若蘭芬

集作薰

也朱穆好學中

食忘食譙周研精欣然獨笑張華四海之內若指諸掌班固百

家之言無不窮究鉤深致遠悅正墳也八音繁會五色章明動

天地而感鬼神序人倫而成孝敬陽臺並作楚襄王賜雲夢之

田上林同時漢武帝給尚書之筆則瓊敷玉藻未足多

集作云

也

自攝齊東序撰杖西膠唯

集作推

宰我之能言貴顏回之有德成

如麟角道尊於璧水之前翼若鴻毛俯拾於金門之下方將咫尺宣室扈從明庭申賈誼之忠讜盡揚雄之規諫豫章七載擢

修幹而聳長條有鳥三年搏積

集作高

風而運滄海豈期數有迤

否天無皐白苗而不秀秀而不實者蓋有是夫古人有言沒而不朽者此之謂也春秋二十有六以上元三年五月二十二日

歿

集作終

京師勝業里嗚呼哀哉至儀鳳四年十二月二日歸

葬於華陰之某原不忘本也山河鬱鬱松柏蒼蒼骨肉閉兮歸

后土魂魄遊兮思故鄉三荆搖落五都悲涼痛門戶之無主悼

人琴之兩忘嗚呼哀哉其

其字集作乃爲

銘曰高集遠蹠濁涇

集作河

清

渭天子諸侯司空太尉星辰鼓舞山澤通氣道在者尊德成爲

貴賈家五虎

後漢黨錮傳賈彪兄弟三人並有高名天下稱賈氏三虎五當作三

偉節最怒荀氏

八龍慈明無雙劍光冲

集作斗

斗壁氣浮江據於道漁依

集作聞

於

家邦子之承親溫席扇枕子之友悌同興共寢朝歌不入盜泉

不飲垂露崩雲繁絃縟錦明經太學射策鴻都揚名

集作對揚

天子

高揖司徒鱗翮將運波濤不虞子之

集作奈何

喪也良可悲夫瞻望

不及佇立以泣唯見黃埃心傷以摧躑躅兮徘徊嗚呼兮哀哉

長夜漫漫何時旦魂兮魂兮歸去來

楊

集作從弟

去溢墓誌銘

楊炯

處士宏農楊去溢年二十卽華山公之曾孫大將軍之孫朝散

大夫鄧州司馬之第四子也維嶽有五有華山之金石焉山阜

相屬含

集作合

谿懷谷所以鎮其南也維瀆有四有河宗之玉璧

焉波瀾

集作潮皮

汨起洞汨萬里所以經其北也言其土地則巨靈

之高掌遠蹠作西漢之城池敘其衣冠則太尉之四代五公爲

東京之柱國然後積勳累德枝分葉散大君有命臨夏日之壇

場天子動容聽秋風之懿範

集作金鼓

是以熊羆入兆羔鴈成羣黃

憲之名聞於海內陳蕃之志掃於天下羣童忽聚逢苦李而懸

集作先

知賓客相過問楊梅而卽對善父母爲孝善兄弟爲友居

家可移之道也利者義之和貞者事之幹元亨日新之德也若

夫節陵遺策汲冢殘書倚相之八索九丘張華之千門萬戶莫

不山藏海納學無所遺至如白雪迴光清風度典崔亭伯眞龍
之氣揚子雲吐鳳之才莫不玉振金聲筆有餘力遠心天授高
興生知盡江海之良圖得煙霞之祕筭貞不絕俗從容於名教
之場道由人宏坐臥於羲皇之代于時朝廷之上山林之下英

儒瞻聞

集作文

之士洪筆麗藻之客希末光而影集聽餘聲而響

和者猶藩籬之望天也鱗介之宗龜龍也嗟乎陰陽爲道大道

無亭毒

集作育

之心禍福唯人聖人有抑揚之教智焉而斃仁焉

而終今也則亡歎顏回之短命死而可作冀隨會之同歸文不
在茲乎天之將喪也以某年某月某日終於某所越儀鳳四年
十月二日歸葬于華陰之某原林野彌望關山寥廓樵童牧豎

孟嘗君之池臺一去千年丁令威之城郭悲纏於魯衛痛深於
花萼姜肱沒齒無因共被之歡鍾毓生平非復同車之樂嗚乎

哀哉乃爲銘曰叔虞建國天錫之唐伯僑受氏食采於

集作于

楊

五侯簪黻四代軒裳有德有行如圭如璋乃生男子初

集作戰

寢

之牀從公小大辨日炎涼天下之寶邦家之光神鋒太俊旗鼓
相當事親以禮左右無方交

集作友

朋以信芝蘭有芳文犀健筆

白鳳彫章鵬鸞齊致江湖兩忘謂天輔德則惟其常殲我吉士

于何不傷關山搖落州渚蒼茫黃塵匝地白露成

集作爲

霜左右

刮骨親賓斷腸摧殘玉樹埋沒金鄉交交黃鳥爰集于桑命不
可贖人之云亡

駱處士墓誌

杜牧

霸陵駱處士名峻字肅之華州華陰人也當建中四年年二十
遊京師值泚亂爲其黨源休拘委以軍

集無此字

事處士逸一日夕

行二百里拜親於華陰因啓度賊終不能東出百里間鄉里不
足憂願得一見天子於艱危中遂入奉天至漢中屢以兵食干
執事者後長安李懷光踵叛關中公私飢李馬渾兵十餘萬計
口餉食有司因請授處士嶽州巴陵尉繫職於饋運間後四遷
至一作上楊州士曹參軍元和初以母喪去職哀哭濱死終喪因
曰汗音鳥吾跡二十餘年食豐衣鮮以有養也今可以行吾志也
乃於霸陵東坂

集作波

下得永

集作水

樹以居之相國杜公黃裳在

蒲津相國張公宏靖在并州大梁渾尚書錡在易定潘侍郎孟

陽在蜀之東川司徒薛公萃

集作華
疑作萃

在鄭滑皆挈卑詞幣馬至

門曰處士不能一起助我爲治乎皆以疾辭長慶初桂府觀察

使杜公凡兩拜章乞爲梧州刺史詔因授之衆皆曰今黃家洞

賊熾邕容兵連敗縮首不出猶鼎鑊耳交趾殺都護復旱亂相

仍朝廷豈捐此三處不以公治之而反置公爲梧守耶處士慘

而讓祇以疾辭解訖不言其他爾後人知其堅不可復動矣田

三百畝果蔬占其一捽墾辛苦不受一人錢惠朝之名士多造

其廬未嘗以栖退超脫之高露於言色溫敬畏下如勇於仕進

者論及當代利病活人綏邊之策必疊疊盡吐冀達於在位者

至於安危機鍵之語默不出口尤不信浮圖學有言者必約其
條目引六經以窒之曰是乃其徒盜夫子之旨而爲其詞是安
能自爲之善圖山水狀鑒者比之朱審王維之儔鄉里百家鬪
訟

集作
訴

吉凶一來決之凡三十六年無一日不自得也以會昌

元年十一月某日卒年七十九以某年月日歸葬於華陰縣先
人之墓處士常曰相國劉公晏不急征不橫賦承喪亂

集作
亂

之

餘食數十萬兵者二十餘年斯過蕭何遠矣每長短校量古今
富人強國之術我烈祖司徒岐國公丞相趙國公李公當貞元
元和時儒學術業冠天下每與處士語未嘗不嗟嘆其才恨其
尚壯不可屈以仕優禮接之嗚乎賢哉銘曰不見可欲使心不

亂古之作者窮栖自斷

作鍛

子伯子至王霸夕臥向栩相趙馬良

車煥子夏高弟心中交戰處士之居洛

集作落

青門畔文駟連羈

繡鞵

集作軒

交貫危冠自喜

音戲

前

集作首

縈後絆言訖揖去一如不

見我齒未衰誰爲

集作知

已知岐公主師見必迎善語必祕時論

兵計食屈指無遺功名富貴不能鉤

集作釣

之諸侯六辟南服一

麾笑而不答亦無是非三百畝田百實滋繁

集作繁滋

三十六年食

具衣完人

集作今

其去矣誰知其端嗚呼賢哉

唐故兵部郎中楊君墓碣

柳宗元

貞元十九年正月某日守尚書兵部郎中楊君卒某月日葬於奉先縣某原既葬其子姪洎家老謀立石以表于墓葬令曰凡

五品以上爲碑龜趺螭首降五品爲碣方趺圓首其高四尺按
郎中品第五以其秩不克偕降而從碣之制其世系則紀于大
墓君諱凝字懋功與季弟凌生同日不周月而孤伯兄憑剪髮
爲童家居於吳太夫人母道尊愛教飭謹備君之昆弟孝敬出
於其性禮範奉于其舊克有成德輯其休光東薄海岱南極衡
巫文學者皆知誦其詞而以爲模準進修者率用歌其行而有
所矜式君旣舉進士以校書郎爲書記毗贊元侯于漢之陰式
徙荊州由協律郎三轉御史元戎出師用顯厥謀遂入王庭爲
起居郎書法不回著垂國典又爲尙書司封員外郎革正封邑
申明嫡媵事連權右斥退勿憚直聲彰聞仍參選部以馭羣吏

姦臣席勢威福自巳他人求附離

麗音

而不可得者公則却之私

以胥吏求署一皆罷遣曰吾不以三尺法爲已利害居喪致哀
內盡其志外盡其物而無有不得於心者服除爲右司郎中危
言直已以致其誠然卒中於諛辭不得朝請以檢校吏部郎中
爲宣武軍節度判官毫人缺守往蒞其政孤老撫安強猾戮死
墾鑿境鹵芟艾榛荒作爰田以贍人食濬決橫汙築復堤防爲
落渠以定水禍理不半歲利垂千祀會朝復命次于汴郊帥喪
卒亂不可以入遂西走闕下璽書迎門勞徕甚備以疾居家三
年復登于朝遐邇咏歌仍遇痼疾天子致問于三月不賜告幸
其愈而用之遂卒天下文行之士爲之悲哀嗚呼君有深淳之

行有強毅之志內以和于親戚正于族屬外以信於朋友施於政事故身之進退人之喜戚繫焉凡其昆弟申明於朝制書咸曰孝友君子謂楊氏其仁義之府君之文若干什皆可以傳於世若某者以姻舊獲愛不腆之文君實知之惟車馬幣玉無可以稱其德用君之所以知者酬焉

節愍太子妃楊氏墓誌

張說

開元十有七

集作五

年二月癸未中宗節愍太子妃楊氏薨於京

師太平里第之內寢越五月景申詔葬於新豐之細柳原黃陵不從古之道也嗚呼哀哉妃氏之先代居河華赤泉啓國清白傳家東都之公胄西晉之後族高祖士達隋開府納言天授中

以孝明高后

集作氏非

之父追封鄭王贈太尉曾祖緘隋符璽郎抗

節王充朝廷旌載

集作聖朝歷義

贈靈州刺史祖全節左內率贈魏州

刺史考知慶千牛豹韜二將軍若夫軒冕王官同許史之繁漢

婚姻帝室比姜姑之宜周是故二華降靈五河飛譽拜玉冊於

文廟儷金璽於青宮入參視膳之儀出友元真之樂禮陪璽館

祭服始於北郊詩贊鵲巢王化終於南國豈知言

集作諫

違鬪水

神往邨

集作郎

山七日之望不歸千秋之言何及於是視身知若

幽探白馬之偈覺心等空坐證青蓮之葉久以橋

集作喬

木無怙

柏舟早誓棣華

集作萼

先落聖善相依闔門正家稱未亡而全禮

高堂終養不勝哀而遂絕此又禮外之禮孝中之孝者也初上